



КОДЕКС ЗАМАНА  
СҰРАНЫСЫНАН ТУДЫ

4-бет



ҰЛЫТАУЛЫҚ  
ҰЛАФАТ ИЕСІ

6-бет

# ЗАҢ газеті

ZANMEDIA.KZ

Қоғамдық-саяси, құқықтық газет


✉ zangazet@mail.ru



№50 (3581) 11 шілде 2023

БҮГІНГІНІҢ БАС ТАҚЫРЫБЫ

## ІРІ МЕГАПОЛИСТЕР - МЕМЛЕКЕТ ӨЗЕГІ



25  
ASTANA

ANNIVERSARY FORUM OF TWIN CITIES:  
25 Years of Astana-New Perspectives. New Opportunities

Елордада «Астананың 25 жылдығы. Жаңа перспективалар. Жаңа мүмкіндіктер» деген тақырыппен бауырлас қалалар әкімдерінің форумы өтті. Қала басшыларының, әлемнің 15 елінің беделді сарапшылардың, әлемдік бизнес көшбасшыларының, қаржы институттарының, мемлекеттік және ғылыми қайраткерлердің, үкіметтік емес және халықаралық ұйымдардың өкілдері қатысқан форум жұмысы 8 панельдік сессия арқылы жүрді.

(Соңы 3-бетте)

ҰТЫСТАН  
ҚҰР  
ҚАЛМАҢЫЗ!

Біздің басылымдарға жазылып,  
ұтысты болыңыз!  
Басты сыйлық – **АЙФОН 14 ПРО МАКС!**

Бұдан бөлек: Айфонның құлаққабы, сағаты, 2 REDMI NOTE 11 Pro ойнатылады. Сондай-ақ, қысқатолқынды пеш, шаңсорғыш, үтік секілді көптеген тұрмыстық техникалар бар. Бірқатар жұлдегер «Заң» медиа-корпорациясының қолдауымен жарыққа шыққан «ШЫТЫРМАН» шығармалар жинағына ие болады.

**ҰТЫСҚА ҚАТЫСУ  
ҮШІН НЕ КЕРЕК?**

Ол үшін пошта бөлімшесіне барып:  
«Заң газетіне» (индекс – 65921); «Юридическая газетаға» (индекс – 65928); «Заң» журналына (индекс – 75849); «Фемид» журналына (индекс – 75858) жыл соңына дейін жазылып, түбіртеккің көшірмесін бізге жолдасаңыздар болғаны!

Екі басылымға жазылғандардың мүмкіндігі екі есе өседі!

ҰТЫС ИЕГЕРЛЕРІ  
17 ШІЛДЕДЕ АНЫҚТАЛАДЫ.

Ал, іске сәт!



СҰХБАТ

### «ТӘУЕЛСІЗДІКТЕН АСҚАН БАЙЛЫҚ ЖОҚ»

Қаңтар оқиғасына қатысты байыппен саралап, әділетті бағасын беретін, салмақты сараптама жасайтын мәселе көп. Қаралы күндер тарихына үңілген сайын сабақ алатын тұстардың да бар екенін байқайсыз. Ел қай кезде де әділетті төрелік пен ашықтықты күтеді. Құзырлы органдар бүгін де қаңтар оқиғасына қатысты үкімдерін жариялап, мемлекет жаңашылдық пен әділет принциптерін негізге алатынын дәлелдеп жатыр. Біздің бүгінгі мақсат – ел жадындағы қаралы күндерді қайта жаңғырту емес, сол кезеңдерде толықтай қирап, пайдалануға жарамсыз болып қалған мекеме, ғимараттардың да қайта бой көтеріп, замана талабына сай жабдықталып, ел игілігіне қайта қызмет ете бастағанын айту, жариялау.

Бұл ретте, қаңтар күндерінде қатты зардап шеккендердің бірі – Қызылорда облыстық сотының ғимараты. «Төтенше жағдай кезінде жайлы орын іздеп отыратындай мүмкіндік болмады, қолда бар дүниемізді ұқсатып, жұмыс процесін тоқтатпауға бекіндік. Адам тағдыры шешілетін сәтте осалдық танытпауымыз керектің жақсы түсіндік», – дейді ҚР Соттар әкімшілігінің Қызылорда облыстық департаментінің басшысы Сағатбек Сүлеймен.

(Соңы 5-бетте)

ҚЫЗЫЛОРДА ОБЛЫСТЫҚ СОТЫНА – 85 ЖЫЛ

## АЗАМАТТАРДЫҢ РЕФЕРЕНДУМҒА ҚАТЫСУ ЖӘНЕ САЙЛАУ ҚҰҚЫҒЫ

2022 жылдың 1 шілдесінен бастап ҚР Әкімшілік рәсімдік-процестік кодексінің талаптарына сәйкес, мемлекеттік органның, жергілікті мемлекеттік басқару және өзін-өзі басқару органының, сайлау комиссиясының, кәсіпорынның, ұйымның, олардың лауазымды адамдарының шешімімен, әрекетімен (әрекетсіздігімен) сайлау немесе сайлану, сайлауға, референдумға қатысуға байланысты даулар әкімшілік іс жүргізу тәртібімен қаралады.

ҚР Орталық сайлау комиссиясының шешімдері мен әрекеттеріне (әрекетсіздігіне), Орталық референдум комиссиясының шешімдері мен әрекеттеріне (әрекетсіздігіне) дау айту туралы әкімшілік істер ҚР Жоғарғы Соты бірінші сатыдағы соттың қағидалары бойынша қаралады.

Аумақтық сайлау комиссиялары мен учаскелік сайлау комиссияларының шешімдері мен әрекеттеріне (әрекетсіздігіне), аумақтық референдум комиссияларының және

учаскелік референдум комиссияларының шешімдері мен әрекеттеріне (әрекетсіздігіне) дау айту туралы істер мамандандырылған әкімшілік соттарда және аудандық соттарда әкімшілік актінің шығарылған орны бойынша немесе жауапкердің орналасқан жері бойынша қаралады.

Мемлекеттік органдар мен лауазымды адамдардың референдум ұйымдастыру және өткізу мәселелері жөніндегі іс-әрекетіне сотқа шағым жасалу мүмкін.

«Республикалық референдум

туралы» конституциялық заңының талабына сәйкес, республикалық референдумға қатысуға құқығы бар азаматтардың тізімімен таныстыру, тізімдегі қателіктер мен жаңсақтықтар туралы арыздарды қарап, оларға тиісті өзгертулер енгізу, мәселелерді шешу; азаматтарға дауыс беретін күнді, уақытты, орынды және оның тәртібі туралы хабарлау жұмыстары референдум өткізілетін күні учаскеде дауыс беруді ұйымдастыратын учаскелік референдум комиссияларына жүктелген.

Референдум туралы заңның бұзылуына қатысты арыздар мен шағымдарды аумақтық референдум комиссиялары қарайды. Яғни егер сайлаушы өзінің тізімге енгізілмегенін немесе қате енгізілгенін анықтаса, алдымен учаскелік ре-

ферендум комиссиясына жүгінеді. Учаскелік референдум комиссиясы тізімге енгізуден немесе ондағы қателіктер мен жаңсақтықтарды жоюдан бас тартса, сайлаушы аумақтық референдум комиссиясына жүгінуге құқылы.

Аумақтық референдум комиссиясы шағымды қарау нәтижесі бойынша шешім шығарады.

«ҚР сайлау туралы» Конституциялық заңының 26-бабында әрбір азамат (таңдаушы) сайлаушылар тізімдеріндегі өзі туралы деректерді тексеруге және тізімге енгізілмегенін, дұрыс енгізілмегенін немесе тізімнен шығарып тасталғаны, сондай-ақ тізімдердегі сайлаушы (таңдаушы) туралы деректерде жаңсақтық жіберілгені үшін шағымдануға құқылы.

Сайлаушылар тізіміне енгізу,

одан шығару не тізімдерге түзетулер жасау қажеттігі туралы арыздарды тиісті сайлау комиссиясы сайлау комиссиясына арыз келіп түскен күні қарайды.

Арыз мақұлданбаған жағдайда сайлау комиссиясы арызданушыға оның арызының мақұлданбағаны туралы дәлелді шешімнің көшірмесін кешіктірмей береді.

Бұл шешімдермен келіспеген жағдайда сайлаушы сотта даулауға құқылы.

Сотта сайлаушылардың тізімдерін түзету қажеттігі туралы сайлау комиссиясының шешіміне келтірген шағымдар түскен күні қаралады.

Егер «Қазақстан Республикасындағы сайлау туралы» және «Республикалық референдум туралы» конституциялық заңдарында өзгеше көзделмесе, сайлауды, республикалық референдумды дайындау және өткізу кезеңінде, сондай-ақ дауыс беру күнінен бастап бір ай ішінде келіп түскен әкімшілік істер бес күндік мерзімде қаралады.

(Соңы 4-бетте)









(Соңы. Басы 1-бетте)

Бүгінгі таңда сот ғимараты қайта түлеген. Жаңарған, жаңғырған ғимарат арыз-шағыммен келуші көпшілікке есігін айқара ашқан. Күрделі жөндеуден өткен ғимарат заманауи үлгіде жабдықталған. Келушілер мен сот мамандарының толығымен талабына сай келеді. Сот ғимаратында қазіргі таңда ҚР заңдарына енгізілетін, енгізіліп жатқан өзгертулер мен толықтыруларға қатысты дөңгелек үстелдер, мәжілістер мен сот процестері, қарапайым азаматтарды кестеге сай қабылдаулар өтеді. Сот кабинеттерінің онлайн жұмыстары белсенді жүргізіледі. Тәжірибелі мамандар жас судьялар корпусына бағыт-бағдар береді, өз практикаларымен бөліседі. Ғимараттың қоғам қажеттілігіне сай жабдықталып, сот корпусының өз жарғыларына сай жұмыс істеуі – мемлекет ұстанымы. Осы тұрғыда біз сот әкімшілігінің Қызылорда облыстық басшысымен де сөйлестік.

**Сағатбек СҮЛЕЙМЕН,**  
ҚР Соттар әкімшілігінің Қызылорда облыстық департаментінің басшысы:



## «ТӘУЕЛСІЗДІКТЕН АСҚАН БАЙЛЫҚ ЖОҚ»



– Сағатбек Болатбекұлы, қызу жұмыс кестеңізге қарамастан, бізге сұхбат беруге келіскеніңізге рахмет. Сауалымызды «Не үшін сот ғимараты?» деген сұрақтан бастасақ. Бұны бір идеологиялық маршрутта жасалған шабуыл деуге бола ма, әлде сол кезеңдердегі сәйкестік пе?

– Дұрыс сұрақ, бұл сауалыңыздың жауабы әлі күнге дейін мені ойландырады. Оқиға кезінде сот ғимаратына да шабуыл жасалып, нысанның бірінші, екінші, үшінші қабаттары, кеңсе-техникалық құрал-жабдықтары, жиһаздар, қызметтік автокөліктер өртеніп, кей мүліктер тоналып және жарамсыз күйге түсті. Сәйкестікке көбірек келеді, орталық аланда орналасқанбыз, бірінші кезекте партия ғимаратына шабуыл жасалды, артында көршілес тұрған біздің мекемеге наразылар келді. Мүмкін қаланың басқа аймағында болса, зардап шекпейтін де еді? Дейтұрғанмен наразылардың арасында бұрын сотты болған азаматтардың бар екенін ескерсек, мақсатты шабуыл болуы да мүмкін.

– Төтенше жағдай кезіндегі сот ісін жүргізу, қиранды ғимарат отырып жұмыс істеу оңай соқпағаны белгілі. Осы жайлы кеңінен тоқталсақ.

– Қаңтар оқиғасы кезінде сот қызметкерлері жүйелі және жедел жұмыс істеді деп баға беруге болады. Ел ішінде наразы топ алғаш жиналып жатқан бойда-ақ біз жұмыс орнымыздағы қажетті құжаттарды үйімізге алып кеттік. Сәйкесінше, бірде-бір әкімшілік немесе қылмыстық іс қағаздар жоғалмады, зақымдалмады. Ғимаратымызға шабуыл жасалғаннан кейін де жұмысты қайта жалғастырдық. Ерікті қызметкерлер тобы құрылып, өртке оранған мекемені тазаладық. Қолда бар жабдықтарды ұқсатып, жұмысты жалғастыруға жағдай жасадық. Ең бастысы, сот жұмысы бір күнге де тоқтамады. Осы істерде бізбен бірге атсалысқан қоғам белсенділеріне, ерікті жастарға алғыс айтқым келеді.

– Сот ғимаратын қайта қалпына келтіру жұмыстары қалай жүрді?

– Қызылорда облысының әкімдігінің жанынан комиссия құрылып,

Қызылорда қаласы, Әйтеке би көшесі №29 және Желтоқсан көшесі №15 мекенжайдағы сот ғимараттарына Қызылорда облысының жұмылдыру дайындығы басқармасының хаттамалық шешімімен, яғни облыс әкімі жанынан құрылған комиссия «Өмірзақ» ЖШС-ы жеңімпаз ретінде танып, сол компания күрделі жөндеу-қалпына келтіру жұмыстарын жүргізді. Алайда жобалық-сметалық құжаттамаға бірқатар жұмыстар енгізілмей қалып, сол аталған жұмыстарды толығымен аяқтау үшін, осыған дейін сот ғимаратына күрделі жөндеу-қалпына келтіру жұмыстарын жүргізген және бағалық ұсынымдары да басқа қатысушыларға қарағанда төмен болған «Өмірзақ» ЖШС жөндеу жұмыстарына бөлінген қаражатты толықтай игерді, оған қоса артық жұмыстарды да жүргізді. Атақарылған жұмыстарды атап айтсақ, 2500 шаршы метр ламинат, 225 терезе, 124 есік, соттың 6-қабатының 8520 м мыс кабелі ауыстырылды, 995 шаршы метр жұмсақ шатыры ауысты, 750 шаршы метр кафель, 260 терезеге жалюзи, 50 терезеге перделер ілінді, 1800 шаршы метр асфальт төселді, 90 дана кондиционер жөндеді, 78 нақыл сөзді картиналар, 6м/15 м металдан жасалған қойма салынды, арнайы байланыс жүйесі,



3000 шаршы метрден аса сылақ жұмыстары, сотталушыларға арналған кабина (конвой) қойылды. 560 шаршы метр ламинат, 43 терезе, 22 есік, 40 жалюзи, 3,5м/8 м кіреберіс металлопластиктен фойе, 130 шаршы метр өрнектас төселді. 198 шаршы метр кафель, 160 шаршы метр шатыры, 4 терезе, 3 есік мекеме асхана бөлігін қалпына келтіру мақсатында жаңартылды. Сонымен қатар 3 дана ЛЭД-экран, 3 дана сплит-жүйе, 2 дана шлагбаум, 100 орындық, 31 орынтақ, 10 асхана үстелі жиынтығы, 6 дана конференц және 3 дана жиналыс залдарының үстелдері, асхана құрылғылары жаңадан алынды. Қазіргі таңда сот ғимаратының жөндеу жұмыстарынан кейінгі

көрінісі ерекше, заманауи ақпараттық ЛЭД-экран қойылды, келушілер ақпаратты QR-код арқылы ала алады. Сот ғимаратында таңғы және кешкі уақытта қазақтың күйлері ойнап тұрады.

– Қаңтар оқиғасының шындығы толық ашылды ма? Сот үкіміне көңілі толмайтын халықтың қарасы қалың, қинау деректері, күштеп мойындату жағдайлары орын алды деген наразылықтар да болды. Бұған не дейсіз?

– Бірінші кезекте облыс бойынша тергеуде қинау дерегі тіркелмегенін айтқым келеді. Барлық істі

болуымыз керек. Сот үкімі толық зерттелген, анықталған фактілерді назарға алып барып, сараланып шығады. Сондықтан үкімге көңілім толмайды немесе толады деп баға берудің маңыздылығы жоқ деп ойлаймын.

– Не үшін талап-тілегін айтып шыққан халықтың тобының әрекеті бүлікшілікке жалғасты? Митинг өткізудің ретін әлі түсіне алмай жүрміз бе?

– Дұрыс айтасыз, бізде бейбіт шерулер өткізу мәдениеті толық қалыптасып үлгермеді. Бұл – тамған мемлекеттердің барлығына тән ортақ үрдіс. Халық талабын айтады, шерулердің нақты сұранысы, қалауы болады. Оны мемлекет тыңдайды. Алайда біз қазір мақсатсыз жиналып, негізсіз талап қойып, арты үлкен шығынға алып келіп жатыр.

– Атаулы оқиғаға қатысты ойлы оқырманға не айтар едіңіз?

– Мәселе мынада, мен сізге үйіңіздегі бір затты қират десем, жасар ма едіңіз? Әрине жоқ, себебі ол сіздің иелігіңіздегі мүлік. Сол секілді мемлекеттің әр затын өз дүниемізді қарайтын дүниелер қарауымыз керек. Не өзгерді? Қиратылды, халықтың ақшасына қайта қалпына келтірілді. Сонда біз өзіміз зақым келтіріп, өзіміз жөндедік пе? Ешкімнің ештеңесі кетпейді, қанша шығын келді, қанша адамның тағдыры күрт өзгерді, тіпті кей отбасылар қаңтарда қара жамылып қалды. Мұның барлығы жүр дегеннің артынан еріп, жалған намысты желеу етіп ұрандатқанның қалауын жасаумен бітетін яки қарайтын дүниелер емес. Ел біздікі, елдің иесі – біз. Біз жанашырлық танытып, қайта қисық жатқан бір тасы болсын түзеуге әрекет етуіміз керек. Қайта жедел әрекеттің арқасында қиын күндерді оңай өткердік, нәтижесі мүлде бөлек болса, қайтер едік? Ел ішіндегі аумалы-төкпелі сәтті, толқып отырған бұқараның күшін басқа біреулер өз мақсатына пайдаланып кетсе не істейміз? Аш отырайық, тоқ отырайық, бейбіт, тәуелсіз мемлекетте күн кешіп, өз Отанымызда өмір сүргенімізден асқан бақыт жоқ. Біз осыны түсінуіміз керек!

– Сұхбатыңыз үшін алғыс білдіремін. Еліміз аман, жұртымыз тыныш болсын!



кәсіби білікті тергеушілер жүргізді. Ал қамқөңілді ағайынға айтарым, мамандардың жұмысына сеніңіздер. Біз заңға бағынушы халық

Сұхбаттасқан  
Ш.ЖАЛҒАСБЕКҰЛЫ





